

ORDINIS MEDICI  
IN  
VNIVERSITATE LITTERARIA IENENSI

H. T.

DECANVS

D. CHRIST. GODOFR. GRVNER

SERENISSIMI DVCIS SAXO-VINARIENSIS ET ISENACENSIS A  
CONSILIIIS AVLAE BOTAN. AC THEOR. MED. PROF. PVBL  
ORD. ACAD. CAES. NAT. CVRIOS. ET ELECTORAL. MOGVNT  
SCIENT. VTIL. SODALIS SOCIET. LAT. IEN. SODALIS  
HONORARIVS

SOLLEMNIA INAVGVRALIA  
IOANNIS WALFRIED FEVERLEIN

PAPPENHEIMENSIS

MEDICINAE CANDIDATI DIGNISSIMI

A. D. XX. IVL. CLXXXVI.

INDICIT

---

PRAEMISSVM EST  
*SPECIMEN CORRECTIONVM GALENICARVM*

AB

CASPARO HOFMANNO

OLIM CONSCRIPTARVM

---

I E N A E

LITTERIS STRAVSSIANIS.

THE UNIVERSITY OF CHICAGO

LIBRARY OF THE UNIVERSITY OF CHICAGO

THE UNIVERSITY OF CHICAGO  
LIBRARY OF THE UNIVERSITY OF CHICAGO  
THE UNIVERSITY OF CHICAGO  
LIBRARY OF THE UNIVERSITY OF CHICAGO

THE UNIVERSITY OF CHICAGO  
LIBRARY OF THE UNIVERSITY OF CHICAGO  
THE UNIVERSITY OF CHICAGO  
LIBRARY OF THE UNIVERSITY OF CHICAGO

THE UNIVERSITY OF CHICAGO  
LIBRARY OF THE UNIVERSITY OF CHICAGO  
THE UNIVERSITY OF CHICAGO  
LIBRARY OF THE UNIVERSITY OF CHICAGO



Cogitanti mihi eorum medicorum, quos pristina secula tulerunt, in litteras atque artem medicinalem promerita, mirari subit, quid sit, quod cum seculis xv. et xvi. auide legerentur summisque extollerentur laudibus, hodie sic negligantur et contemnantur, nihil ut leuius vel magis ridiculum multis esse videatur, quam istos senes venerari, istamque veterem medicinam cum recentiori copulare velle. In quo boni illi viri (puto) vehementer errant, et sibi labeculam adspargunt, non veterum medicorum cultoribus. Fac enim, veteres habere sua vitia, suos naeuos, multa eorum monimentis contineri, quae hodie vel inutilia, vel manca, vel non satis vera sunt, (id quod facile largior) quidni et illud de multis recentiorum hominum scriptis va-



leat? Ideone nec legenda sunt, nec laudanda? Equidem vix crediderim; Verum, praeceunte verbis HORATIO \*),


*Vbi plura nitent in carmine, non ego paucis  
Offendar maculis, quas aut incuria fudit,  
Aut humana parum cavit natura.*

Multi, quae ignorant, publice priuatimque spernunt, quos praestabat, tacere tali in re, quam se turpiter dare iis, quibus veterum ac recentiorum placita cognita et perspecta sunt. Nam cum puerilia osorum conuicia risorumque procacium libellos lego et relego, idem mihi haud raro accidit, quod SCHELHAMMERO \*\*): *Soleo nonnunquam tacite mecum videre, cum video illa a multis nostratum ignorari, pro nouis venditari, aut inepte etiam explicari, quae dudum veteres rectissime tradiderunt, quos tamen illi contemnunt prae se, et quasi delirantes senes, nec satis sui compotes, palam apud infelicem ipsis forte concreditam iuuentutem traducunt, certo argumento, meliora eorum scripta nunquam se cum cura legisse.*

Idem fatum GALENUM mansit, quem maiores ita colebant, ut cum eo errare, quam ab eius placitis deflectere malent, plurimi vero nostrum sic despiciunt, magis ut neminem.

\*) De Arte Poet. v. 351. seq.

\*\*) In Addit. ad Conring. Introd. c. 2. p. 64. ed. Hal.



nem. At vterque vehementer peccat, cum modum ac fines transilit. Certe possum \*) *sincera fide attestari, citra ullius iniuriam, multa quidem in vastis illis voluminibus contineri, quae hodie inutilia atque inania videbuntur, multa tamen etiam docta, praeclara, utilitatis maximae, multa deinde sapienter et commode dicta, vno verbo, digna principe medicorum sui aevi, nec sui tantum, sed forte quatuordecim seculorum et ultra.*

Quem GALENUM etsi multi, iique sua aetate doctissimi viri, commentariis illustrarunt, nemo de eo profecto melius, ut videtur, studuit Prof. Altorf. Celeberrimo, CASP. HOFMANNO \*\*), qui magno cum studio et labore undiquaque congeffit, quae ullo modo ad pleniorē GALENI intelligentiam pertinere videbantur, eamque ob causam a CAROLO SPONIO recte, *Pergameni Clinicus* dictus est. Immensus profecto eius labor, et tanto viro dignus existimari debet, sed quia nemo inueniebatur, qui sumtus impenderet, in bibliotheca Thomasia Norimbergae adseruata fuerunt ista xxvi. volumina, donec paucis abhinc annis publica auctionis lege et generosissimi clarissimique domini de MURR opera, ad Cl. ASKEW peruenirent, et in Angliam demigrarent. Quod

\*) Ib. p. 64.

\*\*) v. Catalog. eius scriptorum in *Mercklini* Linden. Renou. p. 156. seq.



vero fatum ibi post noui possessoris obitum habitura sint, nescio. In his multa contineri puto, quae, saluo GALENO, omitti poterant et debebant: (hoc enim ex pristini seculi more et HOFMANNI ingenio colligere licet) Attamen quia hodie vix speranda est noua operum Galenicorum editio, *e re litteraria* \*) utique foret, praecipuas HOFMANNI ET CHARTE- RIO aliisque praeteritas annotationes a docto aliquo viro excerpi, et relatas ad illius paginas editionis, cum locis GALENI male haecenus intellectis, enotari, tum, descriptis quoque medicis obseruationibus, quae in illo opere occurrunt, singulares et non contemnendae, vno mediocri volumine tot tantorumque laborum fructus cum lectoribus communicari. Annon igitur periculum in libello quodam Galenico v. c. *De Vsu Partium, De Iudicationibus, De Locis Affectis* cet. faciendum foret?

Praeter istud perfectum absolutumque HOFMANNI opus restat in Germania alterum volumen et *quasi correctionum* \*)

spici-

\*) Sic praecclare FABRIC. Bibl. Graec. L. IV. c. 17. p. 559.

\*\*) Inscrip-  
tus libellus est: *Analec-  
ta correctionum Graeci codicis Galeni  
impressi Basileae 1538. et respondent quidem folia et lineae cisatae foliis  
et lineis dicti codicis: verum tributi sunt libri in septem classes, ut  
vulgo in Iuntarum editionibus et vltima Basileensi latina a MONTANO  
habemus. Inchoata Calendis Nouembribus 1619. — — noluit differ-  
re paratis*



*Spicilegium*, in quo ad editionem Basil. a. MDLXXXVIII. retractauit et limatius opus illud, quod iam commemorauit, reddidit. Hoc anno huius seculi tertio et septuagesimo, mense Martio, emtionis iure \*) sibi comparauit Generosissimus et Clar. C. T. de MVRK, cuius qualis quantusque in litteras humaniores fauor sit, inter omnes constare puto, et ex singulari eius beneuolentia tandem meum est, ea tamen lege atque conditione, vt breui harum correctionum specimen in vulgus dem. Dudum inique tuli, quod per litterarum graecarum contemptum non liceret fidem liberare, ideoque, data hac oportunitate, curabo, vt bonum nomen existimer. En specimen \*\*) quaedam correctionum?

## SPECIMEN

*re paratis. Absoluta XVII. Cal. Sept. } 1622. CASP. HOFMANN,*  
*14. Augusti }*  
*Med. D. et P. P. Altorfii Noribergensium. —*

\*) Ex Bibl. Thomasia, MStor. Chartac. n. 118. Latent etiam hic loci in Bibl. Acad. Opera GALENI graeca, quorum margini multas lectiones varias, easque non contemnendas adscripsit IANVS CORNARIUS, vir sua aetate clarissimus, et insigne tum huius athenaei, tum vel maxime gratiosi medicorum ordinis decus.

\*\*) Haec adduxi, qualia in Cod. extant, aut legi possunt; Male enim HOFMANNVS pingit, et haud raro lacunas habet, quas supplere nefas duxi.



SPECIMEN  
CORRECTIONVM GRAECI CODICIS GALENI

IMPRESSI BASILEAE CLOIÖXXXVIII.

*Classis Prima. Τὸ Φυσιολογικόν.*

II. Facult. Nat. 9. f. 107. l. 42.


**Q**uaestio est, vtra scriptura sit verior, vulgarisne, βλένα ἢ βλέννα, an altera minus vulgaris, βλαίνα? An potius illa, quae in glossis, πλέννα? Quia dubium non est, esse a βῆ ἢ βλή, quod est μιμητικὸν τῆς τῶν προβάτων Φωνῆς; pronuntiatio autem τῆς η habebat medium quid inter α clarum et ε, proxime accedens ad α, quo fit, vt quidam etiam scribant βαῖ ἢ βλαῖ: dubium etiam esse non debet, recipi posse. Ab hoc μιμητικῷ, (non autem ἀπὸ τῆς, βάλλω,) quia est βλήχη καὶ βλήχημα, intelligi potest, quid sit sentiendum de illo βληχανότης, quod est apud ΑΘΗΝΑΕΥΜ L. IV. non procul initio. Omnino, licet magni viri reclamañt, est vox nauci, cui substitui debet non quidem βλειώδεις, quod DALECHAMPIVM fecisse auguratur MERCVRIALIS, non etiam βληχώδης, quia μέτρον non admittit, non etiam βλιχώδεις, licet apud ΕΡΟΤΙΑΝΥΜ sit; sed βλιχεώδεις, per μεταγρεαμματισμὸν quidem illum poëticum, ἢ pro η, sed cum ε, vt ratio originis dari possit. BYZANTII igitur

Πάντες βλιχεώδεις εἰσὶ καὶ μεσοὶ λάπης

*Omnes sunt mucosi et pleni pituita.*

Hos GALEN. in Meth. vocauit κρεομύξες, ARISTOT. VIII. Hist. βλενωδείς, PLAVTVS in Bacchid. *Blennos*, MENANDER *Bli-tros*. Ita vero censeam, *bliteras uxores*, et apud PLAVTVM, *bliteras*





*bliterās mēettrices*, dici debere *blitras*, deriuatamque esse volo, non ab *Blito*, non etiam ἀπὸ τῆ βάλλω, sed ab hoc βλή, quod ab ignaris (forte, quia poetae ita scriberent) in βλι est mutatum. Non dubito, eiusmodi originis esse τὰς βλαισὰς, prima quidem significatione ad linguam impeditam pertinente, altera autem ad crura quoque. Hinc indifferenter scribitur βλαισὸς καὶ βλεσὸς.

I. Facult. Nat. c. 17. f. 97. I. 30.

Post Ἑρασιστρατεία Vet. Int. haec amplius habuit: Δῆλον δ' ὡς ἔτε ἀσκληπιάδεια, πολὺ δὲ μᾶλλον ἔθ' ἰπποκράτεια.

*Classis Secunda.* Τὸ ὑγιεινόν.

I. Alim. i. f. 308. I. 13.

Subolet mihi error, quem ab aliis praeteritum video. Vt enim sensus fiat, post γλίχρεις videtur esse figenda, τελεία στιγμή; et postea leg. οἱ γὰρ βαρεῖς αὐτῶν; tunc vero instituenda parenthesis, quae finiatur post πάντας; itaque pergat, ἐπεὶ παρασκευὴ πᾶσα. Ib. scribe παγκρατιασὰς. I. 48. pro ἐπὶ πολὺ cum Int. leg. est ἐπιπολῆς, et I. 54. finxit Int. qui in graeco non est. Corn. alium attulit, deletο τὸ διὰ. Mihi ita leg. videtur, ἔσιν, ὥσπερ καὶ τὰ τῶν. I. 56. τὸ σκευαζομένων aut superest, aut mutatum est in σκευασιάς. Et I. 57. λάγανα. Ib. iure CORN. suspecta habet illa, ὅσα διὰ τέτων τε καὶ, et recte, nisi fallit me, supponit, ὅσα τέτων ἐκ τῆς σ. Ceterum, quia priori loco agit GAL. de *laganais*, posteriore de — omnia autem ex lisamo et melle conficiebantur: Quid si pro *σεμιδάλες* legamus *σεσάμους*? Accedit, quod GAL. in Gloss. ait, *Itua* esse friabilia. Talia vero non erunt, si ex similagine fiunt. I. vlt. γεννητικά — τρέφιμα.



### III. Sanit. Tuend. c. 7. f. 250. l. 3. et 4.

Locus obscurus. Int. ita legisse videtur, τὴν γὰρ θερμότητα τοῖς τοιάτοις κόποις ὑπάρχουσαν καὶ ἄλλοις ὁμοίως ὑπάρχειν φύσει, καθάπερ καὶ τῶν προτερουμένων ἐκατέρω. CORN. pro ἄλλοις ἂν, leg. ὁμοίαν, vt post καὶ infert ἐπὶ τῶν εἰ. FVCHS. in Not. vellicat tantum ultimam vocem, reponitque ἐκατέραν. Mihi quidem νοθέειν videtur, si CORNARIUM sequamur. Quo enim modo non item dicitur, καὶ ἄλλοις ὁμοίως — et καθάπερ καὶ τῶν —? Expediant igitur nos Codd. Mst. qui pro ἄλλοις ἂν habent ἄλλοις μὲν, et hac ratione totam litem componunt.

### *Classis Tertia. Τὸ ἀτιολογικόν.*

#### VI. in VI. Epid. 5. f. 525. l. 16. et 17.

Locum esse corruptum, id argumento esse potest, quod negatiuam addidit Interpres, quae in graeco non est. PACIVS Com. in 1. Meth. 6. ratus, non esse id satis medicinae, pro θανάσιμα, scribit καθαρκικά. Nisi enim hoc fiat, inquit, absurda erit sententia. Medicos vocare plurima medicamenta mortifera, quod aliquando, vt tempestiue vsurpata, sint utilia. Quod vero non sufficiat negatiua Interpretis, inquit, hinc apparet. Quam enim rarum esset quaerere, cur medici non apellent mortifera, tum vero etiam quae oppositio inter mortifera et deleteria? Hoc autem modo bene se habet quaestio, cur ex maleficis quaedam appellentur mortifera, quaedam non? Purgantia enim sunt deleteria illa, quae dextro vsu profunt, cum deleteria ita dicta nunquam prodesse possint? Haec ille, qui mentem GALENI non tetigit. Quaeritur, annon purgantia dici debeant deleteria, quod aliquando interficiant? Non, inquit. Ita enim alexipharmaca

maca quoque dici debebant deleteria. Quare addit, medici δηλητήρια ἢ θανάσιμα dicunt, non omnia, quae interficiunt, sed illa, quae nullum vsum habent. Recte igitur Interpres addidit negatiuam, sed non percurauit vitium. Id fiet, si voces quaedam transponantur, quaedam auferantur, in hunc fere modum: Δι' αὐτὸ τῆτο μὴ δοκῶσιν ἰατροὶ θανάσιμα ἢ δηλητήρια πολλαὶ φάρμακα καλεῖν, ἔχ' ὧν ἀναγκαῖον ἔφελός τι κατὰ καθεὺς γίνεται, ἀλλὰ τὰ μηδέποτε ἔδεν ὠνέντα.


L. De Palpit. Trem. 4. f. 365. l. 30.

Pro ἀντιστήκουσαν FOËSIVS leg. ἀντιστηκώση aut ἀντιστηκώσει, et pro κινήση leg. κινήσει. l. 17. post σῶμα addo ὅρουθος. Ceterum quae vetus Int. hic alia habet, addi possunt a volente, cum sensum loci non mutant, sed explicent.

*Classis Quarta.* Τὸ σημειωτικόν.

III. Prorrh. 64. f. 216. l. 23. sequ.

Quia tota oratio est de vrinis, miror, GALENUM improbare lectionem DIOSCORIDIS Alexandrini et CAPITONIS: Miror verò etiam, quomodo non obseruauerint viri diligentissimi, nullam esse oppositionem inter genitiuum singularem, τροφοῦδες, et nominatiuum pluralem, τροφοῦδες! Quare vt dubium non est, GALENUM legisse τροφοῦδεων, quamuis exemplaria omnia habeant hodie τροφοῦδες, ita dubium non esse potest, opposuisse illis τροφοῦδεα ἢ τροφοιδέα. Accedit, quod tota haec de vrinis oratio repetitur in Coacis, scribiturque constantissime τροφοῦδες. Vnde quia certum est, mirifice iuuari lectionem a GAL. reprobata, tunc certum est, locum GALENI esse corruptum, iudicio etiam HOLLERII Com. in l. 3. Coac. Sect. 3. Quod cum fateatur FOËSIVS quoque notis in eundem locum, et de sola



vrina accipiat HIPPOCRATIS illa; valde miror, quo modo et ibi, vt in Oeconom. possit pro iisdem habere *ἔρα τροφώδεα καὶ τροφιώδεα*? GALENVS enim opponit inuicem, et illud de alui excrementis dictum esse affirmat, hoc de vrinis. Quo fit, vt intelligere nequeam, quomodo *ἔρα τροφώδεα* eadem sint cum *τροφιώδεσι*! GALENVS non agnoscit illa *ἔρα τροφώδεα*, siquidem de alui excrementis tibi ait. Non mouet hemistichium Homericum ex Iliad. *ἐ. extr. perperam allatum*, cum ita debeat scribi: *Μάλα δ' ὄκα περιτρέφεται κυκῶντι*. At etsi *τὸ περιτρέφεται* — exponi per *περιπήγνυσθαι*, non a GALENO solum, sed et ab EUSTATHIO et DIDYMO, solet, non dabo tamen, *περιτρέφεται καὶ περιτρέφεται* esse idem. Sed sint diuersae quidem voces, sed quae idem significant ideo, quia codd. quidam *περιτρέφεται* habent; scire volo, quomodo *τὸ τροφιώδες* possit esse ab altero. Plane non persuasit mihi EROTIANVS, esse *ἀπὸ τῆ τροφιά*, quod cinerem significat, vt alibi quoque dixi. Ergo legendum est l. 23. *ἐκ τροφώδεων*, vt l. 27. *ἐκ τροφώδης*, CORNARIO iudice.

## II. Differ. Puls. 2. f. 20. l. 23.

*Καρκήν*, et mox *καρκινῶς*. Hanc scripturam, et quae illam sequitur, explicationem esse bonam, contra malam esse, quae et *καρκήν* seu *καρκείαν*, *Lydium edulium*, detulit, licet a doctissimis, et inter hos FOËSIO, probatam, deicere ausim. Vt enim ordiar a fonte scientiarum, dicuntur illi Iliad. l. *Cares*, *βαρβαρόφωνοι*, et disputat ea de re late STRABO l. 14. cum *βαρβαρόφωνος* appellarit, non *βαρβαρός*! Et concludit, ab initio *barbaros* fuisse dictos, qui difficulter, aspere ac duriter loquerentur, quales sunt omnes ii, qui ad graecam dictionem introducti, expedire linguam non possunt, quemadmodum vere nos illorum orationem,  
in-



inquit, quod apprime Caribus contigit. Cum enim (addit) multum cum Graecis conuersarentur, nec graece viuere, nec Graecorum dictionem ediscere tentarent, quin per totam Graeciam errarent, stipendia merentes, dicti sunt *barbāri*, quod in Graeciam militarent. Mihi videtur, propter utramque causam Cares fuisse dictos barbaros, et quod Graecis contra Graecos in bellis seruirent, et quod male graecissarent. Non enim tantum erant *παχύσομοι καὶ τραχύσομοι*, quibus verbis STRABO utitur, sed propriae linguae permulta graeca nomina admixta habebant, ut ex PHILIPPO, Caricarum rerum scriptore, refert idem STRABO. Hinc adeo factum est verbum, *καρβάζειν* aut potius *καρβαίζειν*, male *καρβανίζειν*, quod HESYCHIVS exponit, *καρικῶς λαλεῖν καὶ βαρβάρως*, et *καρβᾶνες* Etymologico sunt *οἱ βάρβαροι*, *οἱ ἔχοντες καρὸς πολὺ*. V. ERASMVm in Adagio, *cavica musa*.

*Classis Quinta. Τὸ Φαρμακευτικόν.*

De Theriac. ad PISON. 10. f. 462. l. 7.

Locus is multorum ingenia exercuit. Quid enim est *Helenium* illud *venenatum*? MATTHIOLVS in DIOSC. l. 27. pro τῷ ἑλενίῳ leg. ἑλεβορόρῳ, quod sciat, in Hispania ex helleboro albo parari venenum pro illinendis sagittis. Adstipulatur ei DALECHAMPIVS — Adstipulatur eidem MATTHIOLO LANGIVS l. Ep. 18. addens suum quoque experimentum, quo confirmari possit id, quod GAL. ait: Intus enim esse letale hoc venenum. Ait vero, se in regno Granadensi ceruum hoc veneno interemtum citra noxam comedisse. Factum id est a. 1519. quando cum principe suo, FRIDERICO, Comite Palatino Rheni, in Hispaniam profectus, nunciauit CAROLO V. electionem. Possis in has cogitationes venire, illum



addere voluisse vocem aliam, — τὸ ἐλένιον ab imperito scriba illatum sit! Explicat vero de helleboro, quem DIOSC. prae ceteris laudat. SCALIGER Com. in I. de Plant. ARISTOT. f. 273. dubitat, annon leg. sit βελένιον, vt sit δηλητηριῶδες illud, quod auctor libri confundit cum *perside* arbore. Dictum autem putat ἀπὸ τῶν βελῶν, vt idem sit cum τῷ τοξικῷ. Quod an ex *napello* Arabum sit, non discendum esse ait ex Belgicis plagiis, (DODONAEVM, puto, ferit) sed ex eruditionum fontibus. In huius sententiam pedibus it MERCVRIALIS 2. Venen. 10. qui causam reddens, cur GALENVS *exile* vocarit *belenium*, voce Graecis incognita, ait, GALENVM voce Romana vsū esse, quia videlicet populus tunc intelligebat. Hoc si confirmaret vlllo testimonio, fortassis crederem illi.

*Classis Sexta, "Οεγανα εἰς τὴν κλινικὴν.*

I. De Venaef. adu. ERASISTRAT. f. I. l. 25.

Locus obscurissimus, in quo tentauit aliquid CAMERARIVS, ἔως scribens pro ἔως, sed nihil profecit. CORNARIVS post longam alternationem, vt apparet, ita correxit, et felicissime, meo iudicio: "Οταν δ' ἔως παραλλάξῃ, ἐξ ἐτοίμης ταύτης μὴ χρώμενος, καὶ μὴ προσφέρειν ἀναγκαζόμενος, ἀκρῶ περιττὸς τῇ διανοίᾳ καὶ ἄξιος ἐπαίνου rel. Vt sit sensus: Hunc in modum cum variet, neque venaesectione vtatur subito, neque cibum offerat, et summam adhibet prudentiam, et laudem meretur, quod semper et in omnibus sibi consentiat.

Ibid. l. 32.

Locus difficilis, cui mederi volens CAMERARIVS, πρόσθασιν addidit, vt videre est. Felicior CORNARIVS pro, τήνδε

τῆνδε leg. et ὅτι, et ὅτι πρόφασις. Atque hoc posterius melius est. l. 39. miror, an possit dubitari, ἄνδρας esse scrib. cum ALDVS quoque habeat l. 43. Miror iterum, cur Dativus, Ἱπποκράτης, substitui debeat Nominatiuus: Genitiuus esse debet, vt ἄλλ' εἰς τινος. l. 52. pro τέτοις, τῷτο, et l. seq. ἐκ γὰρ τῶ.

*Classis Septima. Τὸ Θεραπευτικόν.*

III. Off. Med. 30. f. 698. l. ult.


Vox est deformata a typographis τελεικτὰ, pro qua legisse videntur Interpretes ἐήγματα. Hos accusat MONTANVS 5. Morb. 12. 1) quod ἐήγμα non sit fibrarum, sed partis carnosae musculorum. 2) quod ἐήγμα sit vox HIPPOCRATI nota, cum de ea, quae heic legi debet, GAL. pronunciet, quod recentiorum sit. Legit igitur τίλματα, (qua in parte consentit illi CORNAR. et FOËS.) quae vox et mendosae illi vicinior est, et idem significat, quod σπᾶσμα, vt probare licet ex 3. in 3. Epid. 76. v. FOËSIVM in Oeconom. vbi MONTANO consentit quidem, non recipit tamen τὸ, ἐήγματα.

I. Artic. 63. f. 595. l. 35.

Ἄκεις scrib. esse retracto accentu, certum est; incertum vero, FOËSIO quoque, sine legendum ὄκεις. v. quae scribat utroque loco, in Oeconom.

13. Method. 17. f. 180. l. 50.

Pro ἐτέραν in Mst. est κατ' ἑντερα. Ego mihi persua-  
deo, GALENVN scripsisse prius illud, sed simplicem aliquem  
fecisse sibi hanc notam, quae a simplicioribus aliis fuerit ha-  
bita pro verbo auctoris. Idem vero sensus est utrobique.  
Et



Et l. vlt. adde post ἐνομάζεσιν, οἰσόφαγον: σόμαχος enim communis appellatio est 4. Vt. P. 1. vt huic parti non, nisi aequiuoce conueniat.

14. Meth. 5. f. 187. l. 6.

LINACER quoque habuit ξηρῶν, at legend. esse ὀξηρῶν monemur a Mst.

Τὸ ἀφοριστικόν.


VI. Aph. 18. f. 301. l. 9.

Legunt quidam καὶ ἀπαξ, καὶ δις ἐν τῇ. Verum respuit illa, καὶ δις, quod sequitur, contigisse id, viuentē adhuc praeceptore, PELOPE. Atque non dubito, indicari hic illam historiam, cuius 8. VI. Part. 10. mentio fit —

Τὰ νόθα.

I. De Vrin. f. 410. l. 30.


Λεπτὸν καὶ παχὺ, addit et CORNAR. et ALBERTVS. l. sequ. post γίνεταί fac punctum, et scribe porro cum CORNARIO, τόδε παχὺ ἢ ἐρεῖται παχὺ, καὶ μένει παχὺ; ἢ καθίσταται, καὶ λεπτὸν γίνεταί. Et ALBERTVS quidem cum STRUTHIO alio diuertit, at CORN. probat sua ex init. c. 3. l. 38. CORN. quidem post. δεύτερον interponit παύεσθαι, at melius ALBERT. per transpositionem curationem instituit, αἰκμάζειν τὴν τῶν π. χ. l. τόδε δεύτερον ἀρχεσθαι τὴν διάκρισιν.



Sed haec haec tenus. Ex his enim intelligent peritiores, quid CASP. HOFMANNI correctiones conferre possint ad obscura et dubia GALENI loca illustranda.

Reli-





Reliquum est, vt in scenam producamus et commendemus dignissimum medicinae Candidatum

## IOANNEM WALFRIDVM FEVERLEIN

PAPPENHEMIENSEM,

CVIVS vitae ratio haec est.

**E**go, IOANNES WALFRIED FEVERLEIN, lucem huius vniuersi aspexi Pappenhemii anno MDCCCCLII. IV. Iduum Augusti. Patrem veneror WILHELMVM FEVERLEIN S. R. I. Mareschallo haereditario Comiti Pappenheimensi Pharmacopoeum aulicum, matrem vero IOANNEM WILHELMINAM, iam defunctam, IOANNIS LEONHARDI HOLFELDERI, senioris spectatissimi Onoldini filiam. Parentes mei carissimi omnem curam atque operam adhibuerunt, vt principiis religionis christianae, iisque, quibus aetas puerilis informari solet, disciplinis imbuerer: quo fine me tradiderunt instructioni Praenobilissimi SONNENMEYI, Licei patrii tunc temporis Re-  
ctoris dignissimi, nunc vero pastoris Pappenheimensis sic dicti montani, et qui in huius locum succedebat, Rectoris meritissimi et doctissimi EDERI;




Ex cuius priuata opera et informatione in litteris, quae ad humanitatem pertinent, logicis et mathematicis, quantos perceperim fructus, publicis nunc praedico laudibus, nec vnquam mea excidet memoria. Cupiditate medicinam addiscendi flagrans per totum annum, auctore et suasore patre, arti pharmaceuticae illis, quibus a litterarum studiis vacabam, horis operam nauaui, ne eius plane rudis studium inchoaremme dicum. Finito itaque curriculo, quo iuuenes ad altiora praeparari solent, iubente et suadente Rectore meo meritissimo, EDERO,

Anno MDCCCLXXII. in hancce musarum sedem me contuli, ibique a Summe Reuerendo ZICKLE-RO, fascis academicos tunc tenente, in numerum ciuium academicorum sum receptus, et vt decen-ter praeparatus ad studium accederem medicum, prius philosophicis et mathematicis disciplinis me imbuendum esse duxi, eamque ob causam praele-ctiones logicas et metaphysicas Illustris Consiliarii Aulici HENNINGS, Excellentissimi Professoris MÜL-LERI collegium historiae vniuersalis, Illustris Con-siliarii Cameralis SVCCOW praelectiones mathemati-cas, phycas et chemicas frequentau; Botanicam me docuit, Illustris SVCCOWII filius, Medicinae  
doctor

doctor celeberrimus, Societatis Electoralis Palatinae oeconomicae, quae floret Lauterae, Professor Mathematicum, Physices et Chemiae, eiusdemque secretarius perpetuus; Interfui praelectionibus Iuris naturae, Politicis et Moralibus ab Excellentissimo VLRICH habitis; Historiam naturalem me docuit Illustris Consiliarius Aulicus WALCH; Cosmologiam Illustris Consiliarius Cameralis WIEDEBVRG; Medicinam vero forensensem et Botanicam Excellentissimus HALBAVER; Osteologiam et Botanicam Praenobilissimus dominus Doctor SCHENK. Porro in Physiologicis, Pathologicis, Semioticis, Materia medica, Chemia dogmatico-experimentalis, Praxi et methodo conscribendi formulas medicamentorum, Praeceptorem habui Illustris Consiliarium aulicum NICOLAI, qui me etiam ad aegros visitandos et curandos misit. In Anatome, Arte obstetricia et Chirurgia me erudiuit Illustris NEVBAVER. Semioticam et therapiam tam generalem, quam specialem docentem Illustris Consiliarium aulicum, GRVNERVM, audiui.

Qui vero in artem nostram ita incubuit, ut spem haud leuem de se faceret, fore, ut quando medicus bonus euadat, et nu-



per in examinibus suetis RECTE respondit: Hinc noster gratiosus ordo non dubitavit, facultatem ei pro gradu, ut aiunt, disputandi concedere.

Huic sollemnitati proximus dies xx. Iul. dictus est. Cui ut interesse velint *Prorector Academiae Magnificus, Prorector Academiae Magnificus Designatus, Comes Illustrissimus, Patres Conscripti* ceterique *Professores Celeberrimi*, et aequi rerum medicarum *Fautores*, nec non *Commilitones Generosissimi* atque *Praenobilissimi*, ordinis mei verbis perhumaniter rogo. P. P. sub Sigillo Facultatis Medicae

d. xiii. Iul. cl̄ol̄occlxxvi.

